



**SIARAN AKHBAR
KEMENTERIAN KEWANGAN DAN EKONOMI**

**MESYUARAT "38TH MINISTERIAL SESSION OF THE STANDING COMMITTEE FOR
ECONOMIC AND COMMERCIAL COOPERATION OF THE ORGANIZATION OF ISLAMIC
COOPERATION (COMCEC)"**

Sesi Mesyuarat *Ministerial Session of the Standing Committee for Economic and Commercial Cooperation of the Organisation of Islamic Cooperation (COMCEC)* ke-38 telah berlangsung pada 28 – 29 November 2022 di Istanbul, Republik Turkiye.

Upacara Pembukaan telah dirasmikan oleh Tuan Yang Terutama Recep Tayyip Erdogan, Presiden Republik Turkiye, dan dihadiri oleh Negara-Negara Ahli dan Negara-Negara Pemerhati Pertubuhan Kerjasama Islam (OIC) dan juga Institusi-Institusi OIC seperti *Islamic Development Bank Group; the Statistical, Economic and Social Research and Training Centre for Islamic Countries; the Islamic Centre for Development of Trade* dan *the Standards and Metrology Institute of Islamic Countries*.

Dengan tema *Effective Social Assistance Provision and Socioeconomic Empowerment in the light of COVID-19 Pandemic*, Sesi Mesyuarat yang diadakan selama dua hari tersebut telah membincangkan usaha ke arah pembasmian kemiskinan di Negara-Negara Ahli OIC dan cabaran dalam menyalurkan bantuan sosial pasca-pandemik serta pilihan dasar yang dapat membantu menangani cabaran-cabaran tersebut. Perbincangan juga telah memberi tumpuan kepada kemajuan dalam pelaksanaan *COMCEC Strategy* dan *OIC-2025 Programme of Action*.

Rombongan Negara Brunei Darussalam telah diketuai oleh Yang Berhormat Dato Seri Setia Dr. Awang Haji Mohd Amin Liew bin Abdullah, Menteri di Jabatan Perdana Menteri dan Menteri Kewangan dan Ekonomi II. Dalam ucapan beliau, Yang Berhormat Dato Dr. juga turut menekankan bahawa bantuan sosial dan usaha pembasmian kemiskinan adalah penting dalam membantu masyarakat menghadapi kesan sosio-ekonomi dan dalam memastikan tiada golongan yang tertinggal. Tindak balas dasar yang menyeluruh dan selaras dalam bidang-bidang seperti pendidikan, penjagaan kesihatan dan bantuan perumahan dapat membantu penduduk yang paling terdedah dan golongan yang memerlukan dalam mengatasi kesan pandemik. Yang Berhormat Dato Dr. turut mengongsikan usaha Negara Brunei Darussalam dalam memperkukuhkan sistem perlindungan sosial seperti melalui *National Plan of Action on Poverty Eradication* dan pendigitalan Sistem Kebajikan Negara.

Mesyuarat Menteri-Menteri tersebut telah dimulakan dengan Mesyuarat Pegawai-Pegawai Kanan yang telah dihadiri oleh Yang Mulia Dr. Hajah May Fa'ezah binti Haji Ahmad Ariffin, Setiausaha Tetap (Ekonomi, Perdagangan and Industri) di Kementerian Kewangan dan Ekonomi serta pegawai-pegawai daripada Kementerian Kewangan dan Ekonomi. Turut hadir ke Sesi Mesyuarat Menteri-Menteri COMCEC adalah Tuan Yang Terutama Mohammad Shafiee bin Haji Kassim, Duta Besar Negara Brunei Darussalam ke Republik Turkiye.

Istanbul, Republik Turkiye, Hari Selasa 5 Jamadilawal 1444 / 29 November 2022.